

وآخر قراها

مسرحية

من

فصل واحد

تأليف

ممدوح فهمي

تقديم

فتحى العشرى



التجهيزات الفنية والطباعة
دار يسطرون

للطباعة والنشر والتوزيع
طباعة وتوزيع الكتب في جميع أنحاء العالم
المكتبة والمطبعة : ٣ ش صفوت - محطة المطبعة
شارع الملك فيصل - الجيزة
جمهورية مصر العربية
٠١١٥٧٧٦٠٠٥٢ - ٠١٢٢٩٣٠٠٢٩
تصميم و إخراج : أحمد عبد الحليم
رئيس مجلس الإدارة : عماد سام

جميع حقوق النشر والطباعة
محفوظة للمؤلف

ويحظر التصرف في العمل بأي صورة من الصور
إلا بإذن كتابي موثق قانونا

كتابات مسرحية

وأخترتها

مسرحية

من

فصل واحد

تأليف

ممدوح فهمي

تقديم

فتحي العشري

تصميم الغلاف

عادل وديد

تنفيذ



الطبعة الأولى

رقم الايداع

٢٠١٧ / ٢٠٨٦٩

الترقيم الدولي

978 - 977 - 776 - 498 - 8

للتواصل الالكتروني

مع المؤلف

E: mamdouhfahmy4@yahoo.com

facebook ممدوح فهمي

وآخرتها

بين المشكلة والا مشكلة أربع أحرف فقط بإمكانهم
تغيير اي مستحيل حتى صراعات العالم..

م.ف

مقدمة

برغم الرصانة التي عرف بها الأديب ممدوح فهمى فى مسرحياته المنشورة السابقة إلا أنه يتجه فى مسرحياته الجديدة التى كتبها مؤخراً وهى من مسرحيات الفصل الواحد ومنها تلك المسرحية "بره الصندوق" فقد اعتمدا فى تناولها على الكوميديا السوداء التى تميل أحيانا إلى ال (Farce) الملىء بالإفبهات و القفشات و المواقف المتأزمة التى تحتاج فى حلها " فهلوة " أولاد البلد الذين يبررون أفعالهم لخدمة أفكارهم التى تبحث و تصل إلى حلول للخروج من المأزق ، و مع هذا لا يتخلون عن الشرف و الأمانة رغم إحتياجهم الشديد فى بعض المواقف كما سنرى فى المتابعة ..

نتعرف فى تلك المسرحية على المدعو مغاورى و هو سكرتير محامى قديم و مدمن مخدرات يتصور أنه محامى يفهم فى القانون أكثر من المحامين الدارسين أنفسهم، يشجعه على ذلك أن المحامى الذى يعمل لديه لا يتعامل مع القانون بمفهومه الواضح بل يتحايل عليه بكل الطرق الملتوية لتمرير تطلعاته المادية بجانب أنه يتفلسف عليه دائما و يماطل فى دفع مستحقاته المالية الضئيلة فى تتابع الأحداث يتقدم شاب مرغما لخطبة إبنة مغاورى كنوع من تخليص حق لوالده لديه لكن الشاب يعجب بالفعل بإبنته رغم العديد من سوء التفاهم و أيضا يفاجأ أحد أبناء مغاورى أبيه بنيته للهجرة غير الشرعية عن طريق البحر التى لا يعلم أنها

تمت بالفعل فى السابق لإثنين من أبنائه، أيضا فإن زوجة
مغاورى التى تعيش لذاها ليس لها أى دور فيما يعانى هو او
تلك الاسرة المهلهلة بل و تضيف المزيد من الأعباء عليه وعليها،
كذلك فإن مغاورى هذا يعيش مع أحفاده الصغار فى صراع
مستمر يخشى فيه مكائدهم الطفولية التى يتحسب لها دوما و
كأنهم أشخاص كبار

هذا.. و يتعرض الكاتب فى سياق عرضه للأفكار الشعبية عن
العفاريت و السحر و الشعوذة للسخرية منها و إستنكارها
بنفس الأسلوب الكوميدي الذى حرص عليه منذ بداية تلك
المسرحية مستخدما اللغة العامية المتداولة التى تتناغم مع تلك
الشخصيات و مفهومها البسيط

نعود و نؤكد أن الكاتب فاجأنا فى تلك المسرحية الجديدة " بره
الصندوق " بخروجه بالفعل من صندوقه الذى إعتدناه ليقدم لنا
منحى آخر فى كتاباته المسرحية التى يسعى فيها إلى التنوع و
التجديد و هذا ليس بالغريب عنه و عن إهتمامه الدائم بقضايا
مجتمعه و تأثيرها على الإنسان

فتحى العشرى

إستهلال للمؤلف

المسرح و ثلاثية المشاركة

إن المسرح حين يقدم عملاً فهناك ثلاثة أطراف لها حضورها و أهميتها و تشابكها الذى لا يمكن إغفاله .. بمعنى آخر لا يكون هناك روحاً أو معنى لما يقدم بدونها على الإطلاق .. و هذه الأطراف تشمل (النص المسرحى - القائمين بالتنفيذ - جمهور المشاهدين)

فمن ناحية النص المقدم فهو فكرة تعرض وجهة نظر كاتبها لموضوع ما و تعتمد فى سياق طرحها بالأساس على صراع بين أشخاص لإيجاد حالة من التتابع والتشويق للوصول فى النهاية إلى ما يراد طرحه للفكرة و إن اختلفت طريقة عرضها و قالبها سواء كان تراجيدى أو كوميدى أو عبثى ... أو غيرهم

كذلك فإن فريق العمل القائم بالتنفيذ من إخراج و تمثيل و مؤثرات الضوء و الموسيقى و غيرها كل هؤلاء يشكلون جسر التواصل بين النص المكتوب و الجمهور المشاهد متسلحين بفنوتهم المتعددة في هذا المجال

يبقى أخيرا في تلك الشراكة الطرف الثالث و هو المشاهد الذى لا يمكن تهميشه أو تجاوزه عما يحدث أمامه على خشبة المسرح فهو المشاهد (الملك) كما يقال فى كل ما يطرح لكنه للأسف لم يستدعى للشهادة على الخشبة لأنه لم يكتب له دورا ليؤديه رغم أن دوره يفوق كل الأدوار فهو الذى يحكم على ما يعرض بالنجاح أو الفشل مباشرة و دون انتظار سواء للفكرة التى تقدم أو بإسلوب و طريقة عرضها فإذا كان العمل مقبولا ونال قناعته قدم له التحية و العكس صحيح

هنا اتوقف أمام مسؤولية قيمة الكلمة و الفكرة للكاتب اولا ثم مسؤولية إبداع القائمين على إيصال و ترجمة ما كتب ثانيا ليس لإسترضاء المتلقى بل لحقه الأصيل لوقته و عقله اللذان يشاركهما فى تلك الثلاثية و ينطبق هذا أيضا على القارئ إذا كان العمل هنا بين ضفتي كتاب.. فالمشاهد للعرض المسرحى أو

القارئ لنصه لابد من الإعتراف الصريح و الواضح لشراكته في العمل كما أشرنا سابقا فبدون دوره تتحلل تلك الشراكة و تنتهى تماما ومن ثما لا يصبح هناك قيمة أو جدوى لما يكتب ويقدم .

مذوع فهمى

وآخر قرا

الشخصيات

رب الأسره	مغاوری
الزوجه	سميره
الإبن	أشرف
الإبنه	نسمه
خطيب الإبنه	هائي
المحامي	سيد

المنظر

ردهة لمنزل متواضع الي حد كبير ويؤكد ذلك الجدران والأثاث البسيط الذي يعكس ذلك ، فأرضيه المكان تتوسطها سجاده قديمه مهلهله وكذلك هناك عدد أربعة من المقاعد لا يشبه أحدهما الآخر فهذا مقعد أنتريه والآخر مقعد خيرزان والثالث مقعد صالون والرابع مقعد خشبي أمامه ما يشبه المكتب من كثرة ما به من تشوهات .. ويتناقض مع ذلك كله صوره كبيره لعائلة مغاوري وزوجته وأبناؤه الأثني عشر وأحفاده العشرون وقد كتب فوقها بخط ضخمة ((من شر حاسد إذا حسد)) .. وتحت الصوره ويسارها أليكان قد سلطا عليها .. هذا بجانب نجفه ضخمة عتيقه لا يوجد بها سوى لمبه واحده فقط .. هذا ويلاحظ أن لتلك الردهة بابين أحدهما باب للشقه والآخر باب للداخل وكلاهما نراه مغلقاً ولا يوجد أحد بالمكان عند فتح الستار .

(مع بدايه العرض نستمع الي أغنية المطرب شعبان عبد
الرحيم: "هابطل السجاير" .. مختلطاً مع تلك الأغنية
صوت مغاوري الأب الغاضب وهو يتحدث من الداخل ..

ص/مغاوري

مليون مره قتللكم وطوا الهيصه ده شويه .. موش عارف
أركز في اللي باكتبه .. (ثم مع استمرار صوت الأغنية)..
مافيش فايده يعني اقوم أكسرلكم التسجيل ده عشان
تهمدوا.. (مع استمرار الأغنية) .. ولا كأني باقول حاجه..
ماشى .. (فجاء تتوقف الأغنية ونستمع الي صوت إرتظام
شئ بالأرض مما يدل علي أن مغاوري قد نفذ بالفعل ما
كان يهدد به) .. إرتحتوا ياغجر .. إتفو عليكم ..

(يفتح الباب الداخلي ليدخل مغاوري وهو يناهز الستون
عاماً قليل الحجم ورغم ذلك نراه في حاله من الحيوية
والنشاط .. يضع نظاره علي وجهه مرتدياً جلباب أبيض
وعلي رأسه طاقية بيضاء أيضاً .. ويحمل في يده ملف
كبير وييده قلم ومضرب بلاستيك لقتل الذباب) ..

مغاوري

(وهو يحكم اغلاق الباب خلفه) .. الواحد موش هاعرف
يشوف شغله في المخروب ده ولا ايه .. حاجه تقرف .. (ثم
يتجه نحو المكتب ويضع الملف فوقه وكذلك مضرب
الذباب ويفتح الملف ويجلس ليخرج ورقه يطالعها في

استياء) .. احنا كنا وصلنا لفين .. (بعد لحظه صمت) ..
نجيبها من الأول .. (يقرأ) ٠٠ حضرات القضاء ..
حضرات المستشارين .. حضرات الحاضرين والمساجين
ياللا .. إنه لشرف عظيم أن أقف لإتلو اليمين .. أمام ناس
محترمين .. عندهم رحمه ودين .. ويحكموا بالعدل علي
المتهمين .. وحيث ان هؤلاء المتهمين بريئين .. (ينهض
فجأه واقفاً) .. فأنا .. أيوه أنا .. أنا أطلب لهم العفو لاجل
مايروحو لبيوتهم مجبورين .. والسلام عليكم وكل سنة
وانتم طيبين .. (ينظر الي الورقه في اعجاب شديد
للغايه) .. ياسلام .. ياسلام ياواد يامغاوري لو الاستاذ سيد
المحامي بتاعك كان عمل بنصيحتك مره واحده وخذ
المرافعه دى وقالها في المحكمه .. علي النعمه لا البك
القاضى بنفسه يقوم ببوسه من هنا ومن هنا .. ويقوله آدى
المرافعات العسل ولا بلاش ..

(بصورة مفاجأه يقترب من آخر الصاله سيد المحامي
الذى يتحدث عنه – في تخيل مغاوري بالطبع – وهو
يرتدى معطف المحاماه ومعتزضاً ومتهكماً علي ما يقوله
ليتوقف أخيراً أمام خشبه المسرح يحدثه) ..

سيد
البك القاضى كان هاييوسني من هنا ومن هنا ويقولى آدى
المرافعات ولا بلاش .. ده كان إداني بالقديمه وقاللى امشى
اطلع بره وإياك أشوف وشك حتي في المنام ..

مغاورى
(لنفسه في دهشه وتوجس) .. ايه اللي جاب ده في
دماغي الساعه دى .. تكونش التعميره مضروبه وعماللي
تهيؤات .. (تتداخل العديد من الاضواء الملونه وكذلك
وميض الفلشر المتلاحق لنرى مغاورى وهو يعاني منها
بشبه الدوار .. ثم في تفهم) .. هي تهيؤات .. صح
تهيؤات ..

سيد
وخلتني سبت اللي في ايدى وجيت جرى أشوف الهبل
والجهل اللي بتقوله ..

مغاورى
(وكأنه استسلم لما يحدث) .. أهه انت كده ياسيد دائماً
تسد نفسى وتقولى اني راجل جاهل وغير مسكف ..

سيد
ايوه جاهل وهاتفضل جاهل طول عمرك ..
مغاورى
حتي لو قتلتك اني هاف أجود اكسبرنس اداهوللى واحد
خواجه في خان الخليلى وانا عيل ولحد وقتنا هذا
ماصرفتوش ..

سيد
(في غضب وهو يصعد علي خشبه المسرح قفزاً) .. لا
ده انت العمليه باينها مخرفه معاك ومحتاج للى يفوفك ..

(وهو يواجهه) .. طب عيني في عينك كده .. انت عمرك

مغاوری

جالك قضيه من بره ولا بتكون انت السبب فيها ..

إديني مثال ..

سيد

(في سخریه) .. الجزار اللي كنت بتشكك منه ولا

مغاوری

تديلوش فلوس لحد ما اتخفق منك ودبك سكينه ..

(في تفاخر) .. وأديني الحمد لله قمت منها زى العفريت

سيد

ورفعت عليه قضيه واضطر عشان اتنازل عنها انه

يسامحني في كل اللي على .. موش كده وبس .. ده كمان

كان بيطلعلي فخده لحمه كل اسبوع وشايلها بنفسه علي

كتافه ..

(ساخراً مره أخرى منه) .. ويوم ما كنت راجع البيت

مغاوری

ولقيت صاحبه علي باب الشقه وبيكلم مراتك في موضوع

الإيجار المتأخر عليكم .. فاكّر ساعتها عملت ايه ؟ ..

عملت اللي بيعمله أى راجل محترم .. دخلته اوضة النوم

سيد

وقولتله اتفضل كمل كلامك ..

ياعيني علي الاحترام ..

مغاوری

أمال كنت أحلها ازاي .. موش لازم يبقي فيه واقعه عشان

سيد

أحاسبه عليها ..

ده انت لميت خلق الله ياراجل عليكم يومها وكانت فضيحه.

مغاوری

سید

ليه هو موش لینا .. واحده ست لوحدها .. دخل عليها راجل
غریب .. جوزها یعمل ایه ؟ .. یسکت كده وایده تبقي في
میه بارده ..

مغاوری

(في تهكم) .. لا السخنه في الاوقات دی تبقي احسن ..
مسکین صاحب البيت .. إطحن یاولداه .. وعلي ایه ..
(جانباً) .. علي بومه أرجل مني ..
قلت حاجه ؟ ..

سید

مغاوری

الحاجات دی ماتتقالش یاعم سید .. ماحدش ناقص قواضی
تلبسهاله ..

سید

المهم ان المسأله اتساوت وانتهت علي انه یسامحني برضه
في المتأخر ویدیني وصل سداد لتلت سنین مقدم کرد
شرف علي اللي عمله فی غیابی

مغاوری

وانت حد بیطول منك حاجه .. ده انا لا انسی الجنیه اللي
كنت بتدیھولي مصروف كل يوم .. ووصل لخمسه بعد
عشرین سنه خدمه .. ولحد وقتنا هذا عمرک ما ادیتني
ماهیہ ولا أعرف عنها أى حاجه ..

سید

كله بالاصول یامغاوری .. الاول تبطل الزفت اللي بتشربه
وتبطل تجیب سیرتي علي القهاوی .. وبعدين یكون عندک
صبر شویہ لما المحاسب یخلص المیزانیہ ویشوف كل

واحد منا نصيبه كام .. احنا موش شركا ..

نيمتني بالكلمه دى عشرين سنه وفات عشرين بعديها واني
مستني .. (صارخاً) .. وتقوللي بطل الزفت اللي بتشربه..
ده ده اللي بيخليني صابر ..

مغاوری

وياريت صبرك يواصل كمان عشرينايه ..

سيد

(في حده ومواجهه له) عشرينايه .. اطلع من دماغي
ياسيد .. اطلع لاحسن وديني أعمل حركه من اللي بتعملهم
واقول انك جاى تسرق مني خاتم سليمان .. اطلع بقولك ..

مغاوری

(وهو ينزل من خشبه المسرح ليعود من حيث أتي) ..
هاطلع يامغاوری .. بس خليك فاكرها .. انا دخلت بيتك
وماعملتش معايا أى واجب ..

سيد

(وهو يفرك رأسه ووجهه كأنه يفيق من خيالاته) ..
غور .. أنا ايه اللي خلاني افكر السيره دى واعيدها تاني..
ما كنا خلصنا .. أهو طيرلي الحجرين .. ربنا يقل مزاجه ..
(بعد لحظه صمت) .. ياللا .. أدينا راضيين بوجع القلب
لاجل خاطر العيال وامهم برضه .. مايضرش .. أهى
شايله الحمل هي كمان .. وكفايه انها خلفتلي اتناشر عماره
وكان فيه أساس لأربعه تانيين .. لكن للأسف جالهم قرار
إزاله .. كان نفسى يكونوا عايشين واكمل الكامبوند واسمى

مغاوری

أصغر عيل فيهم مغاوري السادس عشر وأقولها بالفم
المليان ولا أختشيش .. هي الدنيا ايه .. موش أكله حلوه ..
وقعده حلوه .. ونومه حلوه .. وعزوه حلوه ..

(فجأه يفتح باب الغرفة لتدخل "سميره" الزوجة البدينه
وهي في الخمسينات ونراها حامل بشكل مبالغ فيه
وتمسك في يدها اليمنى برغيف كاملاً كسندوتش تأكل فيه
ويدها الأخرى خياره ضخمة تتبادل الأكل فيها مع
الرغيف) ..

(وهو ينظر الي سمييره في تفحص) .. نوم العوافي
ياست سمييره .. صحتي ؟ ..

(وهي تتجاوز عن سؤاله) .. ايه اللي عملته بره ده
يامغاوري؟

عملت ايه ؟ ..

التسجيل ؟ ..

ماله التسجيل ؟ ..

كسرتة ليه ؟ ..

دماغي وجعتني من الرص العمال علي بطل ..

تقوم تدشه ؟ ..

أمال عاوزاني أعمل ايه ؟ ..

مغاوري

سميره

مغاوري

سميره

مغاوري

سميره

مغاوري

سميره

مغاوري

سميره	غير الشريط ..
مغاوری	أغيره بإيه ؟ ..
سميره	حط أوكا وأورتيجا ..
مغاوری	(في عدم معرفه) .. أوكا وأورتيجا ؟ ..
سميره	بلاش .. حط عبد الباسط ..
مغاوری	الله يرحمه قرايته مكانش ليها زى في الدنيا ..
سميره	موش عبد الباسط اللي في دماغك .. لأ .. أنا باتكلم عن
	عبد الباسط حموده ..
مغاوری	(في تعجب) .. عبد الباسط حموده !! .. بيعمل ايه حموده
	ده ؟
سميره	بلاوى .. لما تصلح التسجيل أبقي أسمعهاوك ..
مغاوری	تسمعهاولي ..
سميره	أيوه أسمعهاوك تلاقي نفسك تهت كده ورحت في دنيا
	تانيه.. وده اللي بيهون علي الطلق ساعه ما بولد .. أول ما
	بحس بوجع دغرى اشغله .. هما تلت دقايق بالتانيه والقرن
	يقوم طاشش ..
مغاوری	طيب انتي محتاجاه في الولاده .. انا هاحتاجه في إيه ؟ ..
سميره	في سببها ياراجل ..
مغاوری	شغال يعني عبد الباسط ده ؟ ..

سميره	وبيفك العمل لأى بت مابتتجوزش .. آمال هما بيحييوه في الأفراح ليه .. موش عشان بيدوله الشغلانه مونه وأجره ..
مغاورى	(وهو يغير مجرى الحديث) .. سيبك من ده كله وقوليلي .
سميره	(وهي تجلس أخيراً وتعاود الأكل) .. أقولك ..
مغاورى	(وهو يشير للخارج) .. الجرمى اللي بره ..
سميره	قصدك الحفايد .. مالهم ؟ ..
مغاورى	نزلوا يلعبوا تحت ولا لسه قاعدين ؟ ..
سميره	(بلهجه ذات مغزى) .. عايز توز عهم ؟ ..
مغاورى	احنا العصر ياسميره .. وبعدين انا يوم ما باوز عهم ..
	التوزيعه دى بتكلفني ثلاثين جنيه ..
سميره	موش قوى كده ..
مغاورى	هما مش ثلاثين عيل في كل عيل جنيه ..
سميره	بيني وبينك ماعدتهمش ..
مغاورى	لا انا عاددهم كويس علشان مانساش حد ويقعد في آرابيزى .. ده فيهم واد بتاع سنتين كده موش عارف ابن مين من العيال آجي أديله الجنيه يقوللي خليهولك ياعم انا عاوز أتفرج ..
سميره	عرفته .. موش ده اللي لما يشوفني بسمع أم كلثوم وهي بتغني ألف ليله وليله يجرى جرى يجيللي صباع الروح ..

مغاوری	هو ده .. تعرفي أبوه مين عشان اشتكيهوله ..
سميره	ماعرفش .. لكن قوللي .. عريس نسمة جای النهارده زی ما قالك أبوه ..
مغاوری	(بيدو كمن أسقط في يده) .. آه .. تقريباً .. بس هو هاييجي .. لازم هاييجي ..
سميره	ومالك بتقولها وانت متلخبط كده ؟ ..
مغاوری	انا متلخبط ؟ ..
سميره	هي قصه .. اسألك جای تقول جای أو موش جای .. العملية موش محتاجه تهتهه ..
مغاوری	(سريعاً) .. جای .. جای .. وبعدين اشمعني دى الوحيده في العيال اللي انتي فاكره أسمها ..
سميره	لأنها أصغر واحده فيهم وهي الوحيده اللي بنت والباقي كله خناشير
مغاوری	(بلهجه تمنى وقلق) .. ياريت ربنا يكرمنا ويتعجبوا ببعض وأبقي ارتحت من الهم اللي انا فيه ..
سميره	(في تقریظ) .. حد يقول كده ياراجل علي البنبت الحيله اللي عنده ..
مغاوری	(وكأنه يحدث نفسه) .. هي حيله آه .. لكن أنا ماليش حيله .

سميره	موش فاهمه ؟ ..
مغاوری	(وهو یشیر للسندوتش بیدها) .. لما تبطلی حش جایز تفهمی
سميره	(وهي تنهض لتغادر المكان) .. أقوم آخدي حتة حلاوه علشان الجبنه اللي جبتها المره دى طلعت حادقه علي الآخر ..
مغاوری	(وهو يتابعها) .. بالراحه .. وحاسبى لا تخطى في حاجه وانت ماشيه .. (ثم مع خروجها تماماً) .. دولاب ياربي ماشى علي عجل ..
أشرف	(ويدخل أشرف أحد أبناء مغاوری وهو يناهز العشرون من العمر ونراه في ملابس شبابيه بسيطه ويبدو مرحاً الي حد ما)
مغاوری	السلام عليكم والدنا المحترم .. وعليكم السلام إبننا اللي مالوش لازمه .. (في تساول) .. إسمك شريف .. صح ؟ ..
أشرف	أشرف يابا .. أشرف .. أشرف مغاوری جوده الفحل ..
مغاوری	(لنفسه في أسف) .. ده كان زمان ..
أشرف	(ضاحكاً) .. سمعتها .. بس انت ماشاء الله عليك يوم ما تحب تقول للزمان إرجع يازمان .. يرجعلك عدل ..

تعرف يا عره انت لو كنت اتجوزت زى اخواتك كنت قلت
ان الواد قليل الأدب ده اللي تاعبني في البيت ده يبقى ابنك
أنهي واد ؟ ..

مغاوری

أشرف

واد ماشى في الشقه كده بيرمي بلاه علي اللي رايح واللي
جای ..

مغاوری

عملك حاجه الواد ده ؟ ..

أشرف

عمله أسود .. مسیری استفرد بيه علي رواقه وأعرفه
مقامه ..

مغاوری

آبا ..

أشرف

يانعم ..

مغاوری

فيه حكاية كده كنت عاوز أخذ رأيك فيها ..

أشرف

قول واختصر ..

مغاوری

أنا عاوز أسافر بره ..

أشرف

أمريكا ..

مغاوری

أمريكا إيه بابا .. أمريكا ما بيروحهاش في مراكب ..

أشرف

أمال بيروحولها بإيه ؟ ..

مغاوری

بطياره صاروخ .. أنا بره اللي بكلم عنها بلد قريبيه قوى

أشرف

مننا .. هما يادوب كام ساعه في الميه وتلقي نفسك هناك ..

(في إنفراجة فهم) .. شرم يعني ..

مغاوری

أشرف	يا بابا شرم ايه بس .. أنا بكلمك علي أيطاليا ..
مغاوری	أيطاليا .. ماهي أمريكا برضه ..
أشرف	لأ أمريكا دی حاجه وأيطاليا دی حاجه تانيه ..
مغاوری	كله منفذ علي بعض ..
أشرف	منفذ علي بعض إزای ؟ ..
مغاوری	ما بي طيقوناش ..
أشرف	واحنا هاناسبهم ..
مغاوری	لأ .. خايفين لا نبقي عدايل ..
أشرف	عدايل مع مين ؟ ..
مغاوری	مع الدنيا .. حاكم الدنيا دی مخلفه كام دوله حلوه كده وعاوزين هما بس اللي يناسبوها ..
أشرف	يكوشوا علي بناتها يعني ..
مغاوری	جبت المفيد يا فكيك .. وأيطاليا عاوز تروحها ليه ؟ ..
أشرف	أشتغل واشوف مستقبلي ..
مغاوری	وتتجوز من هناك ..
أشرف	(مبتسما) .. ممكن ..
مغاوری	(بعد حركه رفض) .. مالها أمك ..
أشرف	(في ذهول) .. مالها أمي !! .. فيه ايه بابا .. انت عايز تجوزني أمي ولا ايه ؟ ..

مغاوری

ياحمار .. أنا أقصد تتجوز واحده زيتها من هنا من بلدك ..
تفهمك وتفهمها وتريحك وتريحها ..

أشرف

(في تفهم) .. آه .. أنا مخي أصله راح لبعيد ..
وكمان اللي تجوزها من هنا حاول علي قد ماتقدر تكون
شبه أمك في كل حاجه ..

مغاوری

أشرف

(وهو يمثل بكلتا يداه حجم أمه سميره ثم بلهجه توسل) ..
لا يابا .. لأ .. دى تبقي كتير قوى علي ..
إيه ياواد اللي كتير ؟ ..

مغاوری

أشرف

يابا انت عشان اتأسست كويس ربنا كرمك وقدرت تشيل
المسئوليه .. (ثم وهو يشير الي نفسه) .. لكن اللي في
منطقتي صعب عليه يسد في مشوار كبير قد ده ..
إيه الصعب فيه ؟ ..

مغاوری

أشرف

الصعب اني ممكن تجيلي كرشة نفس لو إتفاجئت بحاجة
قدها كده واقفه قدامي .. والأصعب لو ماكنتش حلوة و
اشوفها و هى ماسحه البويه وشايله السيراميك وجايبها
علي المحاره ..

مغاوری

أشرف

(بعد لحظه تفكير) .. أخوك أشرف فين ؟ ..
أنا أشرف ياعم .. أخويا الثاني إسمه شريف ..

شريف ده واخواته الاتنين اللي مصاحبهم ودايماً سرهم
واحد ..

مغاوری

قصدك علي أسامه ونبيل ..

أشرف

هما مضبوط .. أخبارهم التلاته ايه .. بقالهم مده غطسانين .

مغاوری

(في إرتياح كبير) .. كلهم تمام ووصلوا وزى الفل ..

أشرف

وبلغني انه اتقبض عليهم سولام والحمد لله ..

(في دهشه) .. وصلوا فين ؟ .. واتقبض عليهم فين ؟ ..

مغاوری

في أطاليا .. هما أصلهم حبوا يخبوها عليك عشان

أشرف

ماتعقد هاش وتمنعهم ..

واتقبض عليهم في ايه ان شاء الله ؟ ..

مغاوری

البق إياه اللي خوتينا بيه في التليفزيون .. هي الهجره اللي

أشرف

موش في الحلال ..

(في تهكم) .. موش في الحلال ؟ .. هي الهجره غير

مغاوری

الشرعيه سمتوها هجره موش في الحلال ..

ماهو الدخول في بلد من غير تأشيره بيعتبروه جواز

أشرف

عرفي .. بس بعد السين والجيم المسائل بتتساوى وتبقي

علي يد مآذون ..

مآذون يا حيوان يا أهبل يا ابن الأهبل ..

مغاوری

(معاتباً) .. وليه تشتم الراجل بس ماعملكش حاجه ..

أشرف

مغاوری

ده أنا أشتمه واشتم اللي جابوه .. إثنين مالتربوش وسافروا
في السر من غير ما يقولولي .. جاي انت كمان عايز
تسافر لهم والفرق بينكم انك بتعلنني بيها من غير محضر
كمان ؟ ..

أشرف

ماانا معايش حقه و لا حق السفر وقاصدك تديهولي ..
يعني لو كان معاك ..

مغاوری

كنت رحت في صحبتهم عدل ومن غير ما اتزل لأى بنى
آدم ..

أشرف

(وهو يخلع الشبشب من قدمه) .. إمشى اطلع بره يا
كلب .. إمشى ..

مغاوری

(وهو يمضى سريعاً للخارج) .. خليك فاكرها ٠٠

أشرف

(معقباً في غيظ وهو يضع قدمه في الشبشب) .. روح
جتك القرف فيك وفي شكك .. (ثم في تعجب) .. خلفه ايه
المنيله بنيله دى !! .. وقال عزوه قال .. دى عره
ومابعد هاش عره .. (ثم في عصبية وهو ينظر نحو الباب
الداخلي الذى خرج منه اشرف) .. إتقوه عليكم والساعة
اللي خلقتكم فيها .. إتقوه علي دى ساعه ..

مغاوری

(من الخارج) .. هما دقيقتين بالعدد بلاش كذب ..

ص/ سميره

مغاوری

(في تعجب مما سمع) .. سيحي يالختي سيحي .. وانا
اقول دول طالعين لسانهم فالت لمين ؟ .. عالم ماتسترش ..
(في هذه الأثناء نستمع الي رنين جرس التليفون
المحمول في جيب مغاوری الذي يخرج من جيبه لنرى
هذا الجهاز العتيق للغاية والضخم أيضاً والذي يمثل الجيل
الأول للمحمول ناهيك عن انه مفصول الي قطعتين
يجمعهما مغاوری ليرد) ..

مغاوری

(للجهاز في حق) .. ما تصبر انت كمان لما ألمه علشان
أرد .. أصبر .. (ثم يستمع ويتحدث) .. آلو .. مين معايا
(عبر الموبايل) .. الأستاذ مغاوری ..
أيوه أنا الأستاذ مغاوری .. انت مين ؟ ..
أنا هاني بيه ..
هاني بيه ده مين ؟ ..

ص/ هاني

مغاوری

ص/ هاني

مغاوری

هاني بيه ابن صاحبك كمال باشا .. اللي مسلفك خمس
تلاف جنيه من سنتين ولحد وقتنا هذا
(مقاطعاً وبلهجة مطاطه) .. بس .. هو اليوم كله تسبيح
ولا ايه .. عرفتك خلاص ..

ص/ هاني

مغاوری

ص/ هاني

الأماره مذبوطه وفي السليم ولا أكمل ..

مغاورى	مضطوطه ياسيدى واتفهت .. هه .. انت موش جاى ولا ايه؟
ص/ هاني	موش جاى ازاي ..
مغاورى	طالبني علشان هاتتأخر شويه يعني ..
ص/ هاني	اتأخر ليه اذا كنت جيت ..
مغاورى	جيت إمتي ؟ ..
ص/ هاني	وصلت حالاً وحسب الميعاد ..
مغاورى	(وهو يتلفت حوله) .. وصلت فين ؟ .. أوعي تكون غلطت في العنوان ..
ص/ هاني	لا ماغلطتش .. أنا باكلمك من علي باب شفتك ..
مغاورى	(في دهشه) .. علي باب شقتي !! .. طيب ماخبطتش ليه ؟
ص/ هاني	من ناحيه كسل .. ومن ناحيه مخللي التخبيط لقدام ..
مغاورى	مكسل تخبط علي الباب ؟ .. ده ايه الكلام الفارغ ده ؟ ٠
ص/ هاني	ماننت كمان مكسل تفتحلي .. ده ايه القرف ده ..
مغاورى	(محذراً) .. ولد .. كلمه واحده زياده وهاتصل بأبوك وأقوله
ص/ هاني	طيب وحياتك ماتنساش تقوله كمان اني جيت واننت مارضتش تفتحلي فخذت علي خاطري ورحت ماشى ..
	سلام ..
مغاورى	(وهو يركض نحو باب الشقه ليفتحه) .. لا استني .. الباب

هاافتحه أهه .. ولو عصلج وحكم الأمر هاكسره .. ثواني ..
(مغاوری يقوم بفتح الباب ليظهر هاني وهو شاب في
مقتبل الحياه يرتدى ملابس غايه في فساد الذوق وغايه
في القدم وأكبر من حجمه أيضاً) ..

(الذى يبدى تقززه من هيئه هاني وعلي مضض يمد له
يده ليصافحه) .. أهلاً بابن الغالي ..

(الذى ينظر الي مغاوری بتفحص ويتفحص حوله وهو لا
يمد يده له) .. حاول تمشى اللي حواليك دول .. (ثم وهو
يحدث المجهول) .. من فضلكم انا جاى في موضوع
خاص والكلام لازم يكون بيني وبينه .. (مستمراً في
حديثه مع ذهول مغاوری لما سمع) .. شكراً لحسن
تعاونكم .. مع السلامه .. (وها هو هاني أخيراً يمد يده
ليصافح مغاوری) .. معلش .. الأغراب مايصحش يبقوا
موجودين واحنا لسه بنقول ياهادى .. (ومع تجمد
مغاوری في مكانه .. هاني يسحب يده وهو يسأله) ..
انت زعلان اني مشيتهم .. تحب أناديلك عليهم ..

(في دهشته الكبرى) .. تتاديلي مين !! ..

اللي كانوا معاك ..

مين دول اللي كانوا معايا ؟ ..

مغاوری

هاني

مغاوری

هاني

مغاوری

الي مغاوري الذي جلس أرضاً في تداعي وهو يمسك
برأسه) ..

مغاوري

آه ياماه ياراسى .. آه يابا يانافوخي .. آه ..
(قبل أن يعلق أحد) .. هو الصداق ده بيجيله كثير !! ؟ ..
(لهاني) .. إنت مين ؟ ..

هاني

أشرف

هاني

(وهو يتعجب من السؤال وينظر الي مغاوري) .. بلاش
أرد أنا .. ولو موش قادر انت كمان موش مهم .. (ثم وهو
ينظر لأشرف وسميره) .. أكيد حد من اللي دخلوا معاكم
هايخمن ويقولكم أنا أبقي مين ..

مغاوري

(وقبل أن يرد أشرف أو سمييره علي ما قال هاني) ..
عرفتوا أنا هاولع من ايه .. وصلتكو ..
(لمغاوري) .. مين ده يامغاوري ؟ ..

سميره

مغاوري

(وهو يشير لهاني) .. ده هانى .. هاني اللي جاى يخطب
بنتك نسمة .. (ثم الي أشرف) .. عرفت نسيبك يابتاع
أطاليا .. والهجره اللي موش في الحلال .. عرفتوا ده بيبقي
مين ؟ ..

هاني

أنا بيدو اني جيت في وقت غير مناسب .. مكنتش أعرف
ان عيلتك بالحجم الفطيع ده اللي انا شايفه ..

مغاوری

(لهاني وهو ينهض في إعياء) .. تاني هايقوللي ان فيه
ناس تانيين هنا غيرنا .. وشويه شويه يكونوا راكبين علي
كتافي كمان .. بص انا هادخل الحمام واجيبهم ..
تجيب ايه بالظبط ؟ ..

هاني

مغاوری

العفاريت .. حاكم العفاريت دول مزاجهم وكيفهم يقعدوا في
الحمامات .. (ثم وهو يمضى من الغرفة وهو يشير حول
رأسه بعلامه الجنان) .. ربنا يجعل كلامنا خفيف عليهم ..
(بعد أن يخرج مغاوری ويتجه ليجلس بأحد المقاعد) ..
كويس انه خد اللي معاه ومشى علشان نتكلم علي رواقه ..
(بطريقة مفاجئه) .. هي العروسه مين فيكم ؟ ..

هاني

أشرف

(في ذهول) مين فينا ؟

سميره

(في تهدئة لأشرف) أكيد بيهزر .. ميجراش

هاني

(لسميرة متجاهلا لأشرف) في عروسة في الكهف ده و لا
مافيش

سميره

(لهاني في قلق) كهف ؟ فيه طبعاً .. بس فهمني الاول
ايه حكاية الموجودين واللي قاعدين دول ؟ ..

هاني

لا حكاية ولا روايه .. الموضوع باختصار إن والدى قالي
آجي أخطب بنت جوزك .. كويس ..

- سميره (في دهشه) .. هي بنت جوزى دى موش تبقي بنتي أنا
 كمان ؟
- هاني ده علي أساس انك مراته مثلاً ..
- سميره أيوه مراته ..
- هاني موش شرط .. المهم اني جيت ..
- أشرف إنت بتقول ايه ياجدع انت ؟ ..
- هاني ده علي أساس برضه انك ابنه ..
- أشرف وبشرط .. تعدل كلامك كده وتصحي للي بتقوله يإما موش
 هاطلعك من هنا سليم ..
- هاني (وهو يتلفت هنا وهناك بحثاً عن شئ ما) .. هو إتأخر
 كده ليه .. أكيد ماسكين فيه في الحمام لبعد غدا .. ممكن ..
- سميره (لهاني) .. سؤال بسيط تاني ..
- هاني إسألني ..
- سميره (في تحفظ) .. دستور قبل ما قولها .. إنت .. إنت لابسك
 حاجه ؟ ..
- هاني لا لابس ولا قالع .. وماحدش يسألني أسئله تافهه لاني مش
 فاضى
- أشرف (في عصبية) .. إسمع ياجدع انت .. انت علشان جاي من
 طرف واحد صاحب أبويا وفيه عشره بينهم من سنين ..

إحنا هاندیک واجبک وبعديها يستحسن تاخذ طريق .. ماشى

من غير ماشوف العروسه ..

من غير ماتعرفلها طول ..

روح إسأل السيد الوالد الأول وقوله أشوفها ولا

ماشوفهاش ..

السيد الوالد دلقك ودخل الحمام ..

خبط عليه بس بالراحه لا تزعج اللي قاعدين معاه ..

مين دول اللي قاعدين معاه ؟ ..

(لأشرف) .. العفارييت يأشرف .. موش سمعت أبوك

وهو بيقول داخلهم ..

(وهو يمضى دون اقتناع) .. أروحله .. ما داهيه لا

يكونوا كلوه ..

(بعد خروج أشرف ولهاني) .. قوللي ياهاني .. انت

صنعتك ايه ؟ ..

مهندس ..

(في تعجب) .. مهندس !! ..

دشات .. ومقدم علي ثانويه عامه في الريسيفر

في دى ماكديتتش .. كلهم مهندسين ودكاتره .. وبسم الله

ماشاء الله كده .. بتتحصل علي كام ؟ ..

هاني

أشرف

هاني

أشرف

هاني

أشرف

سميره

أشرف

سميره

هاني

سميره

أشرف

سميره

هاني

في الساعه ولا في الدقيقه ..

سميره

في اليوم ..

هاني

حضرتك بتشتغلي في الضرايب ..

سميره

لأ .. أنا أم وعاوزه اطمن علي مستقبل بنتي ..

هاني

(وقد أمسك عليها بخطأ) .. صدقتي بقي الكلمه اللي

موش عجاك لما بقول بنت جوزك .. أهه .. أديك قولتي

انها بنتك إنتي وعاوزه تطمنى علي مستقبلها .. (ثم بلهجه

صارمه) .. المسائل دى ماتخصكيش .. تخصها هي بس ..

ده في حاله لو انا وافقت انى أتجوزها ..

سميره

(بلهجه عتاب) .. كده برضه تكسفني .. دى مكانتش كلمه

قولتها ..

هاني

(بلهجه حزم وآمراً) .. قومي اندهيلها ياللا وبلاش رغي

سميره

(وهي تمضى في خوف منه) .. حاضر .. هاقوم اندهلها

حالا واخليها تيجي تشوف السعد اللي جايلها ..

(تخرج سميره تماماً من المكان .. وما هي إلا لحظه

واحد ويدخل أشرف وهو يحمل صينييه عليها كوب من

الشاي وصحن به بعض الحلويات وهو في انكسار شديد

وتتبعه مباشرة نسمه هذه الفتاه الجميله التي يبدو عليها

مسحه من الحزن وعدم الرضا ونراها مطرقه الرأس لا

تنظر الي هاني منذ دخولها) ..

أشرف

(لهاني في ترحاب شديد مرغماً عليه) .. الشاى
ياباشمهندس .. ويارب يعجبك .. (ثم بعد أن يضعه علي
المكتب ثم وهو يستعد للخروج) .. هاسيكم مع بعض
شويه علشان تتعرفوا وتأخذوا وتدوا براحتكم .. بالاذن ..
(ويخرج أشرف تماماً من الغرفة .. وها هو هاني يتطلع
لنسمه في إنبهار شديد يحاول أن يخفيه وهي مازالت
واقفه ومطرقة الرأس كما هي) ..

هاني

(وهو يمارس نفس الاسلوب منذ مجيئه اذ ينظر للمقاعد
الخاليه ويتحدث معترضاً) .. حاجه غريبه جداً .. انتوا
مش سمعتوا أخوها لما قال هايسيبننا مع بعض شويه فيه
ايه.. (نسمه تنظر له فجأه وتتطلع للمقاعد التي ينظر
اليها في حديثه ويبدو عليها شئ من القلق والحذر في
متابعتها لما يقول .. وها هو يكمل حديثه) .. شوفي كام
نطع قاعد وواحد راحته علي الآخر وموش عاوز يقوم ..
(ثم بطريقه قويه ومتحفزه) .. قوم فز اطلع بره انت وهو
وموش عاوز أشوف خلفه واحد فيكم .. بره ..

نسمه

(وهي تنظر له في خوف شديد) .. إنت كنت بتكلم مين ؟
ماتشغليش بالك ..

هاني

نسمه (في قلق) .. ما شغلش بالي ازای .. دی حاجه تقلق .. أنا
خارجہ ..

هائي (يستوقفها لعدم الخروج) .. موش هاتخرجي قبل ما
نتکلم ..

نسمه نتکلم في ايه .. ما الجواب باين من عنوانه ..

هائي برضه نتکلم .. موش جايז العنوان يكون غلط ..

نسمه لا موش غلط .. ده صح جداً .. واللي قالهولي أشرف عنك
أقل بكتير من اللي شوفته بعيني .. بس انا لي سؤال عندك
غير اللي أمي سألتہ .. ممکن؟

هائي ليه لأ ..

نسمه هو أبويا شافك قبل كده وقعتت معاه ؟ ..

هائي لا عمره شافني ولا عمرى شوفته .. دی أول مره نتقابل
مع بعض في الخندق ده ..

نسمه جميل .. سؤال کمان لو سمحت .. أبوک ..

هائي إشمعني ..

نسمه (في عصبیه) .. موش باهزر .. أبوک يعرف کل حاجه

عنك وعن حياتك ؟ ..

هائي أكيد يعرف ..

نسمه ولما هو يعرف .. ليه يرضى علي نفسه يبعثك تبهدل في

بنات الناس وتعقدهم في حياتهم ..	
تعرفي انك في عصبيتك تجنني ..	هاني
(محذره له في قوة) .. وتعرف انت لو مافتحتش الباب ده	نسمه
وخرجت .. (مشيره الي باب الشقه) .. هااصرخ واقول	
انك عايز تغتصبي ..	
بقولك زى القمر وانت عصبيه ..	هاني
(وهي تهدد وتمضى نحو الباب للداخل) .. هه .. أصوت	نسمه
ولا هاتاخدها من قصيرها وتتكلم ..	
(في تعقل ملحوظ) .. فيه واحده رقيقه زيك ترضى	هاني
تصوت في وش واحد لقي نفسه فجأه أول ما شافها .. فيه ؟	
(ومازالته تهدده) .. هي دقيقه لو ماخرجتش هألم الدنيا	نسمه
عليك	
أنسه نسمه .. أنا شاب عاقل جداً وطبيعي جداً وموش	هاني
باعاني من أى مشاكل .. وبالنسبه لإدعاء الهبل والجنان	
دول ليهم أسبابهم .. وياريت تديني فرصه أشرحهملك ..	
شئ ما يخصنيش .. أنا اللي يهمني حالياً إنك تتفضل	نسمه
وتوريني عرض ...	
(مقاطعاً لها في لطف) .. عيب .. عيب لما نبدأ علاقتنا	هاني
بأن حد فينا يهين الثاني .. (ثم وهو يخرج ورقه من	

(جيبه) .. متهيألي بتعرفي تقرى وتكتبي لإنه بلغني ان معاكى (وهو يضحك للكلمه) .. دبلون .. دبلون في ايه بالظبط ما اعرفش .. المهم دى يأنسه صورته لشهادتي من كلية الهندسه .. موش كلية الدشات لما كنت باضحك مع الست الوالده .. إمسكيها ماتخافيش .. (ومع عدم استجابتها يضع الشهاده علي المكتب ويبعد عنها مرة أخرى) .. شوفي يا .. أسمحيلي أقول يانسمه كده علي طول .. شوفي يانسمه .. ساعات الناس بتتحط في ظروف ملخبطة غصب عنها .. وده اللي حصللي وحصلك .. والدى أصله ووالدك كان فيه بينهم تعاملات .. والظاهر ان تسويه التعاملات دى وصلت لطريق مسدود وما اتحلش .. ده اللي انا فهمته .. وده اللي قلقتني في طلب والدى إنني آجي علشان أطلب إيدك بدون ما اعرفك وقاللي ان السيد الوالد يعتبر موافق علي جوازنا برضه من غير حتي ما تشوفك أو تشوفيني ..

جوازه تخليص حق يعني ؟ ..

نسمه

ولو حد فينا ما اقتنعش بالتاني لا يمكن هارضى لنفسى ان الجوازه دى تتم بأى حال من الأحوال ..

هاني

وايه اللي يأكدلي كلامك ؟ ..

نسمه

هاني

موش هاقولك اسألي الوالد .. لأ .. لإنني هالباقي بكده
إتسببت في جرح كبير لإنسان من المفترض كرامته
هاتبقي من كرامتي لو حصل إرتباط .. وبالمناسبه لو
بينتيله انك تعرفي السر اللي قولتهولك هاطلعك كدابه ..
لان موش هايبيقي فيه أى حاجه تثبتيهها بعد الفلوس ما
هاتتسد والكمبيالات تتحرق قدامك .. بغض النظر ان
كنتي عاوزاني ولا موش عاوزاني .. ده وعد وملتزم بيه ..
اتفقنا ..

نسمه

موش عارفه أقول ايه ..

هاني

خدى وقتك وفكرى .. (ثم وهو يضحك ويشير للمقاعد
الخاليه) بلاش من القرار العاطفي المتسرع لأن كل اللي
قاعدين دول هايكونوا شهود عليك ..

نسمه

(محذره في ابتسامه هي الأخرى) .. وبعدين ؟ ..

هاني

(بطريقه سريعه) .. تيجي نعمل حاجه نغير بيها الانطباع
الوحش اللي اتاخذ علي قدام عيلتك ..

نسمه

حاجه زى ايه ؟ ..

هاني

أى حاجه تخطر علي بالك حتي لو كانت مجنونه ..

نسمه

(وهي تفكر) فيه حاجات الناس مازالت بتعتقد فيها لغايه
اليومين دول ..

هاني	اللي هي ؟ ..
نسمه	الاعمال .. هانقول ان ساعتك وقعت منك علي الارض واتفتحت ووقعت منها ورقه قد الفتقوته ..
هاني	فيها ايه الورقه دى بقي ؟ ..
نسمه	عمل كان معمولاك عشان ماتتجوزش .. لكن الحمد لله ربنا خبب ظن اللي عمله وجت علي أهون سبب ..
هاني	(بعد لحظه تفكير) .. تمشى ..
نسمه	(مؤكده في ثقه) .. إلا تمشى .. (ثم في تأكيد) .. ده انا شخصياً لو حد قالهالي هاصدق وموش هاقول لأ ..
هاني	(محذراً في ابتسامه) .. انا كده أقلق منك ..
نسمه	وتخاف كمان .. انت بس اعمل اى حاجه تزعني منك وهاتلاقي مليون عمل عملتهولك ..
هاني	ربنا يستر ..
نسمه	أروح اكيلهم الحكايه اللي قلناها .. واقولهم اني لما عرفت الحقيقه وافقت علي الجواز ..
هاني	وانا هاعمل اني مدروخ من بعد العمل مالتشال ..
	(تخرج نسمه من الغرفه .. وها هو هاني يجلس مسترخياً علي أحد المقاعد ويصطنع النوم العميق .. لحظات ويدخل مغاورى في هدوء شديد وعلي أطراف

أصابعه ويتقدم نحو هاني ويتفحصه في إشفاق) ..

(في شئ من التأثر والتعاطف) .. مسكين والله .. كل بني آدم في الدنيا دى عنده وجع مكفيه .. هو وجعه في تهيزات أتحط فيها .. وأنا وجعي في حقايق عملتها بإيديه .. هو متهيأله ان فيه ناس مالهاش وجود بتظهر له .. وأنا متأكد ان فيه عالم جل الملك محوطاني .. الدوله بتقول عليهم إنفجار بشرى زى ما يكون ماسورة ميه ضربت في البلد وموش قادرين يصرفوا الميه اللي حوالها .. علماً بان الميه طول عمرها خير .. سوا نزلت من السما ولا من آخر الدنيا هناك (يشير بيده للخلف) .. خير والله .. خير .. ورب الكعبه خير .. طب علي النعمه من نعمه ربي خير .. حتي لما كانت مانع بينا وبين عدونا كانت خير .. خير لأنها ساعدتنا إننا نعديله وندمر بقية موانعه ونخلص من كابوس قرفنا سنين وسنين .. وعشان ده مايتكررش ولا نشوفه .. ياريت ماسوره الميه اللي إنفجرت دى وعامله للحكومہ مشاكل .. ياريت يوصلوها لسينا وده يبقي أكبر مانع طبيعي مايكلفناش ملیم .. لانه مجهود شخصى من كل مواطن .. هو يعيشها برحته وينبسط والدوله تعيشها في امن وتتحكم .. بس مش علي طول .. ياواش ياواش زى ما

قال المجرم ابني بتاع الهجرة الى موش فى الحلال .. (ثم
وهو يتلفت حوله علي طريقة هاني) .. فيه حد هنا
ياخوانا ببسجل اللي بنقوله .. مافيش .. ماشى .. أدينا
بندردش دردشه سلميه بتنادى بمطلب واحد .. (ثم
يهتف) .. فلتسقط الموانع الصناعية .. ولتحيا الموانع
الطبيعية .. (ثم يغير من لهجته) .. عايزين يحبسوني علي
الكلمتين دول .. انا موافق وجاهز .. (ثم يرفع المذكره
التي كانت في أول العمل) .. حضرات القضاء ..
حضرات المستشارين ..

(ها هو هاني يمثل الإفاقة من غفوته وهو يتمتع) ..

(بصوت منخفض) .. ياه .. أنا فين ؟ ..

(الذى قد سمعه) .. فقت ياهاني .. فقت .. ألف حمدلله
علي السلامة ..

مين .. عم مغاورى ..

ياعيون عم مغاورى ..

عم مغاورى .. أنا كنت علوز اسأل حضرتك سؤال صريح
وتجاوبني عليه بكل صراحة ..

قول ياابني سامعك ..

(في تردد) .. هي .. هي نسمة بنتك كانت حامل ؟ ..

هاني

مغاورى

هاني

مغاورى

هاني

مغاورى

هاني

(في جنون) .. حامل .. مين الواطي ابن الواطي اللي

مغاوري

قالك كده ؟ .. مين هو قوللي وأنا آكله بسناني .. مين ؟ ..

(موضحاً في تعقل) .. حامل للمرض مني ونقلتتهولك وده

هاني

اللي وداك الحمام ..

أنا إتعديت منك ؟ ..

مغاوري

أيوه إتعديت .. والأماره الناس اللي موش موجودين اللي

هاني

كنت بتكلمهم دلوقت .. (مع دهشه مغاوري) .. أنا من

رأيي توقع موبايك الواقع أصلاً يمكن تلاقي جواه عمل

هو الثاني ..

(وهو ينظر للخارج وبصوت منخفض) .. بيني وبينك

مغاوري

ياابني أنا حاسس اني موش في حالتي .. وجايز جداً حد

يكون عامللي حاجه من حأده علي في شويه العيال اللي

مصيتني ..

(تدخل نسمة وهي مبتسمه سعيده وكذلك سميره وأشرف

الذى يحمل برواز ضخم لصوره لا نراها وهو أيضاً يبتسم

في سعادته كالآخرين) ..

(لبسمه) .. إيه يانسومه .. نعمل الفرح الخميس بعد بكره

مغاوري

ولا نخليه الخميس اللي بعده ..

(في شئ من الخجل) .. اللي تشوفه يابابا ..

بسمه

مغاوری	خلاص .. الخميس اللي بعده ..
نسمه	(في حده مفاجئه) .. اللي بعده ماينفesh .. (ثم للام بلهجه ذات مغزى) .. انت موش عارفه .. ماتقولي حاجه.
سميره	أنا من رأيي علشان نوفر يستحسن نكون مع بعض في ليله واحد .. ثم في لهجه صارمه لمغاوری) ٠٠ الخميس اللي بعد بكره يامغاوری ماتأجلهاش ..
مغاوری	ماشى .. بس الأول اوقع الموبايل علي الارض يمكن يطلع جواه حاجه تعطلني عن الليله ..
أشرف	(لهاني) .. مبروك ياباشمهندس .. مبروك يانسمه ..
هاني	عقبال مانفرح ببيك انت كمان ..
مغاوری	(لأشرف) .. هه .. عقلت وهانفرح ببيك زى ما بيقول .. ولا لسه مجنون وهاتخللينا من دلوقت نلم حق الخارجه ..
أشرف	(لمغاوری في ابتسامه) .. لا عقلت .. عقلت وبعث فاكس للمجانين التلاته اخواتي اللي هناك وقولتلهم كفاره ..
مغاوری	هما حبسوهم خلاص ..
أشرف	وهايرحلوهم بكره علي أول مركب جايه ..
مغاوری	(وهو يثير الي البرواز في يد أشرف) .. وإيه اللي انت شايله في ايدك ده ؟ ..

أشرف (وهو يدير البرواز وقبل ان نرى صورته للطفل المشهور
الذى يتبول بالحمام) .. جبت صورته من علي النت
وكبرتها يمكن حد يتعرف عليه ..
صوره مين ؟ ..
مغاورى الواد اللي تاعبك وتاعبني وموش قادرين نشكمه ولا
سميره قادرين حتي نبلغ عنه الأحداث ..
مغاوى الواد القضية ..
نسمه (في إعجاب وهي تشير لصورة الطفل) .. نفسى في
قضيه كميله كده تكون شبيهه وفي طولة لسانه ..
هانى (وهو يبتسم لنسمه) .. أنا حاضر ..
مغاورى (صارخاً وهو يصفع خديه) .. وانا ناقص قواضى ..
مره أخرى وبنفس الطريقه المفاجأه يظهر سيد
المحامي من وجهه نظر مغاورى بالطبع آتياً من نهاية
صاله العرض وبنفس ملابس المحاماه) ..
سيد جاتلك علي الطبطاب يامغاورى .. قضيه يعني سيد ..
وسيد يعني أتعاب .. وعلشان ماتقعدش تعيد وتزيد في اللي
علي لجنابك .. انا هاترافع عنك باللي ليك عندي .. وبكده
نبقي خالصين .. (وقد وصل أخيراً الي مقدمة خشبه
المسرح) .. ايه رأيك ياآبا

مغاوری	آبا !! ..
سید	أیوه آبا .. انت ناسی ولا ایه ؟ ..
مغاوری	(في دهشه وحيره وهو يفكر في تصرف ما والجميع يتابعونه في قلق وتعجب يتحدث لنفسه جانباً) .. نصيبه ليكون بجد وامه باعتاه ياخذ النفقه . .
سميره	(في تساؤل للآخرين) .. هو ماله .. بيكلم نفسه ده ولا بيكلم مين ؟ ..
هاني	(مبتسماً) .. بيكلم حد طبعاً .. مش باقولكم ان فيه ناس غيركم في البيت ..
نسمه	(محذرة لهاني) .. وبعدين معاك .. مش قلنا نبطل الكلام ده
مغاوری	(وهو يشير لسيد بالصعود بخشبه المسرح) .. قرب تعالي عشان افتركك كويس .. قرب ..
	(يقفز سيد المحامي ليصعد خشبه المسرح وها هو مغاوری يمسك بتلابيبه ويكاد يخنقه) ..
سید	(وهو يحاول الافلات منه) .. عيب كده مغاوری .. احنا شرکا ..
مغاوری	(وهو يحكم قبضته علي رقبتة) .. شرکا يابو ميزانيه .. جملي ده اللي عملته مع صاحب البيت هناك كوم .. واللي هایتعمل معاك هنا كوم تاني .. (ثم موجهاً حديثه الي

زوجته سميره في تحمس) .. جرى علي أودة النوم
حطي احمر و أخضر والبسى شفتشى .. و أنا أزقه علي
عندك لاجل ماكسب قضيه منه مره في حياتي .. جرى ..
(في دهشة لما يقوله مغاوري) .. هو ايه اللي بيحصل..
احنا واقفين طراطير هنا يا جدعان ؟ .. شفتشى ايه و اللي
هايتزق ده ايه ؟ ..

اشرف

(أمراً سميره بحدده) .. باقولك جرى علي اوضة النوم ..
انتي لسه واقفه ..

مغاوري

(في سعادته) .. وأشغل عبد الباسط ..

سميره

(وهو يكيل اللكمات لسيد) شغليه .. الصوت أصله
هايبقي عالي و موش عايز الجيران تسمع ..

مغاوري

(مع ضحكاتهم وتعجبهم يسدل الستار لنهاية المسرحية)

الكاتب في سطور

- **مدوح فهمي**
- خريج كلية تجاره في إدارة الأعمال
- شرف بالخدمة في القوات المسلحة ضابطاً بالدفاع الجوي
- حصل علي الدراسات العامه والتخصصيه في السيناريو من المعهد العالي للسينما
- يكتب للمسرح والسينما والتلفزيون
- عضو باتحاد الكتاب ونقابه المهن السينمائية وجمعية كتاب ومؤلفي السيناريو وجمعية كتاب ونقاد السينما والجمعية الأفروآسيويه للفنون والثقافه
- قدم العديد من الأعمال التليفزيونيه والسينمائيه منها : **المشهد الأخير** – **جماد من لحم** – **شهادة ميلاد** – **بعد الرحيل** – **العميل رقم ١٣** – **دمعه علي خد القمر** – **نساء لا تعرف الندم** – **وحوش أليفه** – **نداء عاجل** – **جمعه وبطاقاته** – **الشخصيه** – **الماسات الخضراء** • ومازال الزواج مستمراً – **لهيب الدم** – **أيام الخوف** وغيرها
- نال الجوائز الأدبيه الأولي في المسرح أثناء سنوات دراسته الجامعيه
- فازت مجموعته المسرحيه (**المداوله بعد الحكم أحياناً**) بجائزة محمد سلاوى عن النص المسرحي من اتحاد الكتاب
- كرمت بعض أعماله الدراميه ك**بعد الرحيل** – و**جماد من لحم** في بعض من القنوات الفضائية العربيه
- أحتفل بعمله للخيال العلمي (**الماسات الخضراء**) من جمعية كتاب ومؤلفي السيناريو بعرض الفيلم وندوة عن كيفيه صياغة الروايه بروية السيناريست

إصدارات وأعمال جديدة للمؤلف

صدرت له دراسة عملية عن (العلاقات العامة وفنون الممارسة) وفيها (يتناول سمات الشخصية، أبعاد المهمة، تنمية العلاقات، المراسم والبروتوكول، فهم الاتيكيت، اجندة الانطلاق).

صدرت له مسرحية (حاصروا المنطقة) وهى من ثلاث فصول

صدرت له المجموعة المسرحية (المدولة بعد الحكم احيانا) وتضم ثلاث مسرحيات من فصل واحد (الدفاع الاخرس، شرف القتلة، المدولة بعد الحكم احيانا)

صدرت له المجموعة المسرحية (السادة والأسياد) وتضم ثلاث مسرحيات من فصل واحد (حدوة الحصان، انين الذئاب، السادة والأسياد)

صدرت له ثلاث مسرحيات جديدة ومنها التى بين يدى القارئ الآن واخرى بعنوان (برة الصندوق) والثالثة بعنوان (كبسة زر)

تحت الطبع مجموعة الجديدة للإسكتشات المسرحية بعنوان (الإستوديو) وايضاً كتابة للقصص القصيرة بعنوان (جنس ادم) انتهى من كتابة فيلمه الجديد بعنوان (الغضب) وهو من الخيال العلمى

يعمف حالياً على كتابة الحلقات الأخيرة من مسلسل التليفزيونى الجديد (نار وجليد)